



Pranuar / Dorezuar Priljeno/Prodato Received/Delivered	04. 01. 2024	4	viti god. year.
Organ /Njesia Organ /Jedinica Org./Unit	SKIMSHICK	33/2024	1/2
Organ /Njesia Organ /Jedinica Org./Unit	33/2024		
Shtojca Prilog Appendix			
Sasia Kolicina Quantity			



Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1421/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e ankesave në përbërje nga: Jeton Koca-kryetar, Ardita Haxhnikaj Demi dhe Eshref Shabani-anëtarë dhe Kaltrina Avdullahi-Prenaj-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.1421/2023 të datës 17.11.2023 të parashtruar nga ankuesja

kundër organit të punësimit Komuna e Kamenicës, në çështjen juridike "Shkelje e të drejtës në pagë", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 03.01.2024, mori këtë:

V E N D I M

- I. Këshilli i Pavarur Mbikëqyrës për Shërbimin Civil të Kosovës, shpallet *jo kompetent* për të vendosur për ankesën me numër A.nr.1421/2023 të datës 17.11.2023 të parashtruar nga ankuesja
- II. Lënda i dërgohet për shqyrtim dhe vendosje organit kompetent/Komisionit për Ankesa në Komunën e Kamenicës.

A r s y e t i m

(me tej referuar: Ankuesja) me datë 17.11.2023 ka parashtruar ankesë me numër protokollit 7018 të regjistruar nën shenjen A.nr.1421/2023 në Këshillin e Pavarur Mbikëqyrës për Shërbimin Civil të Kosovës, kundër organit të punësimit/Komunës së Kamenicës, lidhur me kategorizimin e saj nga pozita e punës Koorditore për Bibliotekë, në pozitën e punës "Bibliotekiste" me koeficient katër pikë nëntë (4.9).

Kolegji për Shqyrtimin dhe Vendosjen e Ankesave (në tekstin e mëtejme referuar: Kolegji i Këshillit) nga administrimi i shkresave të lëndës ka gjetur se ankuesja është e emëruar në pozitën e punës "Koordinatorë për Bibliotekë" në Bibliotekën e Qytetit të Kamenicës.

Kolegji i Këshillit, lidhur me statusin e marrëdhënies së punës të ankueses, ju referua dispozitave të Ligjit Nr.08/L-197 për Zyrtarët Publikë, përkatësisht nenin 5 paragrafi 3 ku përcaktohet se: 3.

Nëpunësja/i i shërbimit publik është zyrtarja/i publik i cili ofron shërbime publike të drejtpërdrejta për qytetarët në fushën e arsimit, shëndetësisë, kulturës, artit, në fushën e mjekësisë ligjore, si dhe shërbime tjera të ngjashme publike. Nëpunësja/i i shërbimit publik ushtron detyrën në pozitën përkatëse duke filluar nga niveli profesional deri në nivelin e lartë drejtues. Nëpunësja/i i shërbimit publik është edhe nëpunësja/i i shërbimeve të brendshme në administratën e shërbimeve publike pjesë e administratës shtetërore, në administratën e shërbimeve publike apo pjesë e komunës, dhe si rrjedhojë konstatoi se ankuesja për shkak të pozicionit të punës që mbanë aktualisht, si, Koordinatore për Bibliotekë në Bibliotekën e Qytetit të Kamenicës, si dhe për shkak të detyrave dhe përgjegjësiqe që ushtron "Ofrimi i shërbime të drejtpërdrejta për qytetarët në fushën e arsimit" nuk e ka statusin e Nëpunësit të Shërbimit Civil, por e njëjta e gëzon statusin e Nëpunësit të Shërbimit Publikë, sikurse përcaktohet me nenin 5 paragrafi 1 nën paragrafi 1.2 dhe paragrafi 3 të Ligjit Nr.08/L-197 për Zyrtarët Publikë.

Andaj, meqenëse ankuesja nuk e ka statusin e nëpunësit civil, Kolegji i Këshillit, duke u bazuar në dispozitat e nenit 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent që të shqyrtoj dhe të merr vendime vetëm për ankesat e nëpunësve civil dhe kandidatëve për pranim në Shërbimin Civil të Kosovës, vendosi që të shpallë veten jo kompetent për të vendosur lidhur me ankesën A.nr.1421/2023 të datës 17.11.2023 të parashtruar nga ankuesja

Rrjedhimisht, në zbatim të dispozitave të nenit 88 të Ligjit Nr.08/L-197 për Zyrtarët Publikë, si dhe nenin 75 paragrafi 1 të Ligjit Nr.05/031 për Procedurën e Përgjithshme Administrative, u vendos që kjo lenë t'i bartet për shqyrtim dhe vendosje organit kompetent, në këtë rast Komisionit për Ankesa në Komunën e Kamenicës.

Bazuar si më sipër, e në mbështetje të nenit 18 paragrafin 1 nën paragrafin 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji i Këshillit vendosi si në dispozitiv të këtij vendimi.

Këshillë juridike: Vendimi hyn në fuqi në ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1421/2023

Kaltrina Avdullahi-Prenaj

Zyrtare e Lartë për Bashkëpunim Profesional

Vendimi i dorëzohet:

- Ankueses
- Njësisë së Burimeve Njerëzore në Komunën e Kamenicës; dhe
- Arkivit të KPMSHCK-së.

